

D.R. 9/99

Naskhah Sahih—Bahasa Kebangsaan

RANG UNDANG-UNDANG

b e r n a m a

Suatu Akta untuk meminda Akta Cukai Perkhidmatan 1975.

[]

DIPERBUAT oleh Parlimen Malaysia seperti yang berikut:

Tajuk ringkas dan permulaan kuat kuasa

1. (1) Akta ini bolehlah dinamakan Akta Cukai Perkhidmatan (Pindaan) 1999.

(2) Akta ini hendaklah mula berkuat kuasa pada tarikh yang ditetapkan oleh Menteri melalui pemberitahuan dalam *Warta*, dan Menteri boleh menetapkan tarikh yang berlainan bagi peruntukan yang berlainan dalam Akta ini.

Pindaan seksyen 2

2. Akta Cukai Perkhidmatan 1915 [*Akta 151*], yang disebut "Akta ibu" dalam Akta ini, dipinda dalam seksyen 2—

(a) dengan memotong takrif "barang yang kena dibayar cukai";

(b) dengan menggantikan takrif "orang yang kena membayar cukai" dengan takrif yang berikut:

' "orang yang kena membayar cukai" ertinya mana-mana orang yang ditetapkan sebagai orang yang kena membayar cukai;';

(c) dengan menggantikan takrif "perkhidmatan yang kena dibayar cukai" dengan takrif yang berikut:

' "perkhidmatan yang kena dibayar cukai" ertinya mana-mana perkhidmatan yang ditetapkan sebagai perkhidmatan yang kena dibayar cukai;'; dan

(d) dengan memasukkan selepas takrif "pertukaran data elektronik" takrif yang berikut:

' "surcaj" ertinya apa-apa caj yang genap masanya dan kena dibayar di bawah subseksyen 20(3);'.

Penggantian seksyen 3

3. Akta ibu dipinda dengan menggantikan seksyen 3 dengan seksyen yang berikut:

“^{Pengenaan}
cukai. 3. Cukai perkhidmatan hendaklah dikenakan dan didapatkan secara levi mengikut Akta ini atas apa-apa perkhidmatan yang kena dibayar cukai yang disediakan oleh mana-mana orang yang kena membayar cukai, kecuali perkhidmatan yang kena dibayar cukai yang dieksportkan.”.

Pindaan seksyen 4

4. Seksyen 4 Akta ibu dipinda dengan menggantikan perenggan (a) dan (b) dengan perenggan yang berikut:

“(a) dalam hal perkhidmatan yang kena dibayar cukai bagi—

(i) penjualan barang-barang oleh seseorang yang kena membayar cukai kepada—

(A) seseorang yang tiada kaitan dengan orang yang kena membayar cukai itu, harga sebenar yang baginya barang itu dijual; atau

- (B) seseorang yang ada kaitan dengan orang yang kena membayar cukai itu, harga yang padanya barang-barang itu sepatutnya akan dijual dalam perjalanan biasa perniagaan kepada seseorang yang tiada kaitan dengan orang yang kena membayar cukai itu;
 - (ii) pembekalan barang-barang, jika tiada caj dikenakan bagi pembekalan barang-barang itu, harga yang padanya barang-barang itu sepatutnya akan dijual dalam perjalanan biasa perniagaan kepada seseorang yang tiada kaitan dengan orang yang kena membayar cukai itu;
- (b) dalam hal perkhidmatan yang kena dibayar cukai, selain perkhidmatan yang kena dibayar cukai yang dinyatakan dalam perenggan (a)—
- (i) yang disediakan oleh seseorang yang kena membayar cukai kepada seseorang yang tiada kaitan dengan orang yang kena membayar cukai itu—
 - (A) caj yang dikenakan atau dipungut; atau
 - (B) premium bagi perlindungan insurans,bagi perkhidmatan yang kena dibayar cukai itu;
 - (ii) yang disediakan oleh seseorang yang kena membayar cukai kepada seseorang yang ada kaitan dengan orang yang kena membayar cukai itu, caj atau premium yang dikenakan atau yang dipungut bagi perkhidmatan yang kena dibayar cukai itu yang sepatutnya akan disediakan dalam perjalanan biasa perniagaan kepada seseorang yang tiada kaitan dengan orang yang kena membayar cukai itu;
 - (iii) jika tiada caj atau premium dikenakan atau dipungut, caj atau premium yang sepatutnya akan dikenakan atau dipungut dalam perjalanan biasa perniagaan bagi menyediakan perkhidmatan yang kena dibayar cukai kepada seseorang yang tiada kaitan dengan orang yang kena membayar cukai itu."

Pindaan seksyen 6

5. Perenggan 6(b) Akta ibu dipinda dengan memotong perkataan "atau barang atau kelas barang".

Pindaan seksyen 7

6. Seksyen 7 Akta ibu dipinda—

- (a) dengan menggantikan perkataan "(dalam Akta ini disebut orang yang kena membayar cukai)" dengan perkataan "yang kena membayar cukai"; dan
- (b) dengan menggantikan perkataan "perenggan 3(a) atau menjual atau membekalkan barang yang kena dibayar cukai yang disebut dalam perenggan 3(b)" dengan perkataan "seksyen 3".

Seksyen baru 7A

7. Akta ibu dipinda dengan memasukkan selepas seksyen 7 seksyen yang berikut:

“Arahan untuk meng-anggap orang sebagai orang yang kena tunggal. 7A. (1) Walau apa pun seksyen 7, 8 dan 8A, jika Ketua Pengarah berpuas hati bahawa apa-apa peneasingan aktiviti perniagaan adalah dibuat-buat, dia boleh membuat suatu arahan di bawah seksyen ini yang mengarahkan bahawa orang-orang yang dinamakan dalam arahan itu hendaklah dianggap sebagai orang yang kena membayar cukai tunggal yang menjalankan aktiviti perniagaannya yang diperihalkan dalam arahan itu dan orang yang kena membayar cukai tunggal itu tidak boleh terus menjalankan aktiviti perniagaan itu melainkan jika dia dilesenkan dalam masa dua puluh satu hari dari tarikh arahan itu disampaikan kepada yang terakhir daripada kalangan orang itu atau dari tarikh yang terkemudian sebagaimana yang boleh dinyatakan dalam arahan itu.

(2) Bagi maksud subseksyen (1), dalam menentukan sama ada mana-mana pengasingan aktiviti perniagaan adalah dibuat-buat, hendaklah diambil kira setakat manakah

orang-orang yang berlainan yang menjalankan aktiviti perniagaan itu berkait rapat antara satu sama lain melalui hubungan kewangan, ekonomi dan organisasi.

(3) Ketua Pengarah boleh membuat arahan di bawah seksyen ini yang menamakan mana-mana orang jika Ketua Pengarah berpuas hati—

- (a) bahawa orang itu menyediakan atau telah menyediakan perkhidmatan yang kena dibayar cukai;
- (b) bahawa aktiviti yang dalam perjalanannya orang itu menyediakan atau telah menyediakan perkhidmatan yang kena dibayar cukai itu menjadi hanya sebahagian daripada aktiviti tertentu dalam perniagaan itu dan bahawa aktiviti lain dalam perniagaan itu (sama ada atau tidak aktiviti itu serupa dengan aktiviti yang dijalankan oleh orang itu) sedang dijalankan serentak atau sebelumnya, atau kedua-duanya, oleh seorang orang lain atau lebih; dan
- (c) bahawa jika semua perkhidmatan yang kena dibayar cukai yang disediakan dalam perniagaan itu diambil kira, orang yang menjalankan perniagaan itu akan, pada masa arahan itu, dikehendaki supaya dilesenkan oleh sebab seksyen 8.

(4) Mana-mana arahan yang dibuat di bawah seksyen ini hendaklah disampaikan kepada tiap-tiap orang yang dinamakan dalam arahan itu.

(5) Jika, selepas suatu arahan telah diberikan di bawah seksyen ini yang menyatakan perihal perniagaan itu, tampak pada Ketua Pengarah bahawa mana-mana orang yang tidak dinamakan dalam arahan itu sedang menyediakan perkhidmatan yang kena dibayar cukai dalam perjalanan aktiviti yang patut dianggap sebagai sebahagian daripada aktiviti perniagaan itu, Ketua Pengarah boleh membuat dan menyampaikan kepada orang itu suatu arahan tambahan yang merujuk kepada arahan yang sebelumnya

dan perihal perniagaan yang dinyatakan dalamnya, dan menambahkan nama orang itu kepada nama orang yang dinamakan dalam arahan yang sebelumnya mulai dari—

- (a) tarikh orang itu mula menyediakan perkhidmatan yang kena dibayar cukai itu; atau
- (b) jika tarikh arahan sebelumnya adalah lebih kemudian daripada tarikh yang disebut dalam perenggan (a), tarikh yang mulai darinya orang yang kena membayar cukai tunggal yang disebut dalam arahan sebelumnya dilesenkan di bawah subseksyen (1).

(6) Jika, sebaik sebelum mana-mana arahan (termasuk arahan tambahan) dibuat di bawah seksyen ini, mana-mana orang yang dinamakan dalam arahan itu dilesenkan berkenaan dengan perkhidmatan yang kena dibayar cukai yang disediakan olehnya sebagaimana yang disebut dalam subseksyen (3) atau (5), lesennya hendaklah dibatalkan oleh Ketua Pengarah mulai dari—

- (a) tarikh orang yang kena membayar cukai tunggal itu dilesenkan di bawah subseksyen (1); atau
- (b) apa-apa tarikh yang lebih kemudian sebagaimana yang boleh dinyatakan dalam arahan itu,

dan apabila lesennya dibatalkan dia bersama dengan semua orang yang dinamakan dalam arahan itu hendaklah dianggap sebagai orang yang kena membayar cukai tunggal di bawah seksyen ini.

(7) Berhubung dengan sesuatu perniagaan yang dinyatakan dalam sesuatu arahan di bawah seksyen ini, orang yang dinamakan dalam arahan itu bersama dengan mana-mana orang yang dinamakan dalam suatu arahan tambahan yang berhubungan dengan perniagaan itu (sebagai orang yang bersama-sama dianggap sebagai orang yang kena membayar cukai tunggal) adalah dalam subseksyen (8) dan (9) disebut sebagai "anggota konstituen".

(8) Jika apa-apa arahan dibuat di bawah seksyen ini, maka bagi maksud Akta ini—

- (a) orang yang kena membayar cukai tunggal yang menjalankan perniagaan yang dinyatakan dalam arahan itu hendaklah dilesenkan dengan nama yang dinamakan oleh orang-orang dalam arahan itu secara bersesama melalui notis bertulis yang diberikan kepada Ketua Pengarah tidak lewat daripada empat belas hari selepas tarikh arahan itu disampaikan kepada yang terakhir daripada kalangan orang itu atau, jika penamaan itu tidak dibuat, dengan nama sebagaimana yang boleh dinyatakan dalam arahan itu;
- (b) mana-mana perkhidmatan yang kena dibayar cukai yang disediakan oleh salah seorang daripada anggota konstituen dalam perjalanan aktiviti orang yang kena membayar cukai tunggal itu hendaklah dianggap sebagai perkhidmatan yang kena dibayar cukai yang disediakan oleh orang yang kena membayar cukai tunggal itu;
- (c) setiap anggota konstituen hendaklah bertanggungjawab secara bersesama dan berasingan bagi apa-apa cukai perkhidmatan yang kena dibayar oleh orang yang kena membayar cukai tunggal itu;
- (d) tanpa menjejaskan perenggan (c), apa-apa kegagalan oleh orang yang kena membayar cukai tunggal itu untuk mematuhi apa-apa kehendak yang dikenakan oleh atau di bawah Akta ini hendaklah dianggap sebagai kegagalan oleh setiap anggota konstituen secara berasingan; dan
- (e) tertakluk kepada perenggan (a) hingga (d), anggota-anggota konstituen hendaklah dianggap sebagai suatu perkongsian yang menjalankan perniagaan orang yang kena membayar cukai tunggal itu dan apa-apa persoalan tentang ruang lingkup aktiviti perniagaan itu pada bila-bila masa hendaklah ditentukan dengan sewajarnya.

(9) Jika tampak pada Ketua Pengarah bahawa mana-mana orang yang merupakan salah seorang anggota konstituen tidak patut lagi dianggap sedemikian bagi maksud perenggan (8)(c) dan (d) dan Ketua Pengarah memberikan notis yang bermaksud sedemikian, orang itu tidaklah lagi mempunyai apa-apa tanggungan oleh sebab perenggan itu bagi apa-apa jua yang dilakukan selepas tarikh yang dinyatakan dalam notis itu dan dengan yang demikian pada tarikh itu dia hendaklah dianggap sebagai telah berhenti menjadi anggota perkongsian yang disebut dalam perenggan (8)(e)."

Pindaan seksyen 8

8. Seksyen 8 Akta ibu dipinda—

(a) dengan menggantikan subseksyen (1) dengan subseksyen yang berikut:

"(1) Tiap-tiap orang yang kena membayar cukai yang menjalankan perniagaan menyediakan perkhidmatan yang kena dibayar cukai hendaklah memohon kepada pegawai kanan kastam dalam borang yang ditetapkan untuk mendapatkan suatu lesen, dan tiada orang yang kena membayar cukai boleh menjalankan perniagaan sedemikian melainkan jika dia memiliki lesen yang dikeluarkan di bawah subseksyen (2).";

(b) dengan memasukkan selepas subseksyen (2) subseksyen yang berikut:

"(2A) Walau apa pun mana-mana peruntukan lain dalam Akta ini atau mana-mana peraturan, mana-mana orang yang dilesenkan di bawah seksyen ini atau seksyen 8A hendaklah tetap menjadi orang yang kena membayar cukai yang menyediakan perkhidmatan yang kena dibayar cukai, dan peruntukan Akta ini hendaklah terpakai baginya sehingga lesennya dibatalkan."; dan

(c) dengan memasukkan selepas subseksyen (4) subseksyen yang berikut:

" (5) Jika keseluruhan atau mana-mana bahagian perniagaan seseorang yang kena membayar cukai yang menyediakan perkhidmatan yang kena dibayar cukai dipindahkan kepada seorang yang lain, maka bagi maksud menentukan sama ada orang lain itu dikehendaki supaya dilesenkan di bawah seksyen ini dia hendaklah dianggap sebagai telah menjalankan perniagaan menyediakan perkhidmatan yang kena dibayar cukai itu sebelum dan juga selepas pemindahan perniagaan itu kepadanya."

Seksyen baru 8A

9. Akta ibu dipinda dengan memasukkan selepas seksyen 8 seksyen yang berikut:

sukarela. 8A. (1) Jika mana-mana orang yang tidak perlu dilesenkan di bawah seksyen 8 memuaskan hati Ketua Pengarah bahawa dia—

- (a) menyediakan perkhidmatan yang kena dibayar cukai; atau
- (b) bercadang hendak menjalankan sesuatu perniagaan yang menyediakan perkhidmatan yang kena dibayar cukai,

orang itu boleh memohon kepada Ketua Pengarah dalam borang yang ditetapkan untuk dilesenkan di bawah Akta ini dan Ketua Pengarah boleh mengeluarkan sesuatu lesen kepada orang itu.

(2) Jika mana-mana orang dilesenkan di bawah subseksyen (1), dia hendaklah dianggap sebagai seorang yang kena membayar cukai, dan peruntukan Akta ini hendak terpakai kepadanya."

Pindaan seksyen 9**10. Seksyen 9 Akta ibu dipinda—**

(a) dengan memasukkan selepas subseksyen (1) subseksyen yang berikut:

" (1A) Tertakluk kepada Akta ini, jika mana-mana orang yang dilesenkan terhenti menjadi seorang yang kena membayar cukai, dia boleh memohon secara bertulis kepada Ketua Pengarah untuk menyerahkan lesennya.

(1B) Apabila menerima permohonan seseorang di bawah subseksyen (1A), Ketua Pengarah boleh—

(a) jika dia berpuas hati bahawa orang itu telah terhenti menjadi seorang yang kena membayar cukai, menerima penyerahan lesennya dan orang itu hendaklah terhenti menjadi seorang yang kena membayar cukai; atau

(b) jika dia tidak berpuas hati bahawa orang itu telah terhenti menjadi orang yang kena membayar cukai, menolak permohonannya untuk menyerahkan lesennya dan orang itu hendaklah terus menjadi orang yang kena membayar cukai.";

(b) dengan menggantikan subseksyen (2) dengan subseksyen yang berikut:

" (2) Tanpa menjejaskan subseksyen 7A(6), jika mana-mana orang yang kena membayar cukai—

(i) terhenti menjalankan perniagaan yang menyediakan perkhidmatan yang kena dibayar cukai;

(ii) mati;

(iii) gagal menyediakan perkhidmatan yang kena dibayar cukai selewat-lewatnya pada tarikh lesen yang dikeluarkan di bawah seksyen 8A mula berkuat kuasa; atau

(iv) sebagai suatu syarikat, telah dibubarkan,

Ketua Pengarah hendaklah membatalkan lesen itu.";

- (c) dalam subseksyen (3), dengan memasukkan selepas perkataan "seksyen 10," perkataan "10A,"; dan
- (d) dengan memasukkan selepas subseksyen (3) subseksyen yang berikut:

" (4) Sebelum membatalkan sesuatu lesen di bawah subseksyen (2), Ketua Pengarah hendaklah menyampaikan suatu notis pembatalan lesen kepada orang yang kepadanya lesen telah dikeluarkan dan lesen itu adalah batal mulai dari tarikh yang dinyatakan dalam notis itu.

(5) Sebelum membatalkan sesuatu lesen di bawah subseksyen (3), Ketua Pengarah hendaklah menyampaikan suatu notis kepada orang yang kepadanya lesen telah dikeluarkan yang memberitahunya tentang pembatalan yang dicadangkan dan memberinya peluang untuk membuat representasi mengenai perkara itu.

(6) Jika Ketua Pengarah berpuas hati, selepas menimbang representasi seseorang yang dibuat di bawah subseksyen (5) bahawa lesen orang itu patut dibatalkan, dia hendaklah menyampaikan suatu notis pembatalan lesen pada orang itu yang memberitahunya bahawa lesennya adalah batal mulai dari tarikh yang dinyatakan dalam notis itu."

Pindaan seksyen 10

11. Seksyen 10 Akta ibu dipinda—

- (a) dalam nota birai, dengan memasukkan selepas perkataan "Invois" perkataan "dan resit";

- (b) dengan menggantikan subseksyen (1) dengan subseksyen yang berikut:

"(1) Tiap-tiap orang yang kena membayar cukai yang menyediakan mana-mana perkhidmatan yang kena dibayar cukai hendaklah, melainkan jika ditetapkan selainnya melalui peraturan-peraturan, mengeluarkan suatu invois dan suatu resit dalam bahasa kebangsaan atau dalam bahasa Inggeris kepada pelanggan berkenaan dengan urusan itu dan hendaklah menyatakan dalam invois dan resit itu amaun cukai perkhidmatan yang kena dibayar secara berasingan daripada caj bagi perkhidmatan yang kena dibayar cukai yang disediakan.";

- (c) dalam subseksyen (2), dengan memotong perkataan "atau pembeli"; dan

- (d) dalam subseksyen (3)—

- (i) dengan memasukkan di hujung perenggan (a) perkataan "atau"; dan
- (ii) dengan memotong perenggan (b).

Seksyen baru 10A

- 12.** Akta ini dipinda dengan memasukkan selepas seksyen 10 seksyen yang berikut:

^{Pengeluaran} ^{invois} ^{melalui} 10A. (1) Tertakluk kepada subseksyen (2), bagi maksud mana-mana peruntukan di bawah Akta ini berhubung dengan invois, seseorang orang yang kena membayar cukai hendaklah dianggap telah mengeluarkan suatu invois kepada seseorang pelanggan walaupun tiada apa-apa dokumen yang bersamaan dalam bentuk kertas telah diserahkan kepada pelanggan itu jika maklumat yang dikehendaki telah dirakamkan dalam komputer dan—

- (a) dihantar kepada pelanggan dengan cara elektronik; atau
- (b) dikeluarkan atas apa-apa bahan selain kertas dan diserahkan kepada pelanggan itu.

(2) Tiada peruntukan berhubung dengan invoice berkomputer boleh dianggap telah dipatuhi melainkan jika orang yang kena membayar cukai dan pelanggan itu—

(a) telah mendapat kelulusan Ketua Pengarah secara bertulis—

(i) untuk menghantar dokumen itu secara elektronik, atau untuk mengeluarkan dokumen itu dengan menggunakan komputer atas apa-apa bahan selain kertas dan untuk menyerahkan dokumen itu; atau

(ii) untuk menerima dokumen itu melalui penghantaran atau penyerahan itu,

tertakluk kepada syarat yang difikirkannya patut untuk dikenakan; dan

(b) mematuhi kehendak sebagaimana yang ditetapkan oleh Ketua Pengarah."

Pindaan seksyen 12

13. Seksyen 12 Akta ibu dipinda—

(a) dalam subseksyen (1), dengan memotong perkataan "dan jualan-jualan atau caj-caj bagi membekalkan barang yang dikenakan cukai";

(b) dengan memasukkan selepas subseksyen (1) subseksyen yang berikut:

"(1A) Walau apa pun subseksyen (1), jika mana-mana orang yang kena membayar cukai terhenti menjalankan perniagaan yang menyediakan perkhidmatan yang kena dibayar cukai atau menjadi seorang yang kena membayar cukai atau jika lesen mana-mana orang yang kena membayar cukai digantung

atau dibatalkan oleh Ketua Pengarah orang yang kena membayar cukai itu hendaklah dengan serta-merta menyerahkan kepada pegawai yang berpatutan—

- (a) suatu penyata dalam borang yang ditetapkan bagi tempoh yang kena dibayar cukai yang terakhir; dan
- (b) jika penyata bagi tempoh yang kena dibayar cukai sebelum tempoh yang kena dibayar cukai yang terakhir dikehendaki supaya diserahkan di bawah subseksyen (1), penyata itu.

(1B) Penyata yang disebut dalam perenggan (1A)(a) hendaklah menyatakan—

- (a) cukai perkhidmatan, bagi keseluruhan atau mana-mana bahagian bayaran untuk mana-mana perkhidmatan yang kena dibayar cukai yang disediakan, yang tidak diterima dalam tempoh dua belas bulan kalendar sebelum tempoh yang kena dibayar cukai yang terakhir; dan
 - (b) cukai perkhidmatan atas semua perkhidmatan yang kena dibayar cukai yang disediakan dalam tempoh yang kena dibayar cukai yang terakhir."; dan
- (c) dengan menggantikan subseksyen (2) dengan subseksyen yang berikut:

"(2) Bagi maksud seksyen ini—

- (a) jika seseorang orang yang kena membayar cukai menutup akaun perniagaan bulanannya pada suatu tarikh selain hari terakhir dalam sesuatu bulan kalendar, tempoh yang kena dibayar cukai hendaklah tempoh dua bulan yang berakhir pada tarikh itu;
- (b) tempoh yang kena dibayar cukai yang terakhir ialah tempoh dua bulan kalendar atau sebahagian daripadanya yang berakhir pada hari orang yang

kena membayar cukai itu terhenti menjalankan perniagaan yang menyediakan perkhidmatan yang kena dibayar cukai atau menjadi orang yang kena membayar cukai atau pada hari lesen orang yang kena membayar cukai itu digantung atau dibatalkan oleh Ketua Pengarah."

Pindaan seksyen 13

14. Seksyen 13 Akta ibu dipinda dalam subseksyen (2) dan (3), dengan memotong perkataan "atau barang".

Pindaan seksyen 14

15. Seksyen 14 Akta ibu dipinda—

(a) dengan menggantikan subseksyen (1) dan (2) dengan subseksyen yang berikut;

"(1) Cukai perkhidmatan yang boleh dikenakan di bawah Akta ini hendaklah genap masanya pada masa pembayaran diterima bagi perkhidmatan yang kena dibayar cukai yang disediakan kepada pelanggan oleh orang yang kena membayar cukai itu.

(2) Jika keseluruhan atau mana-mana bahagian bayaran untuk mana-mana perkhidmatan yang kena dibayar cukai yang disediakan oleh orang yang kena membayar cukai itu tidak diterima daripada pelanggan itu dalam tempoh dua belas bulan kalendar dari tarikh inoivis bagi perkhidmatan yang kena dibayar cukai yang disediakan itu, cukai perkhidmatan hendaklah genap masanya pada hari yang mengikuti tempoh dua belas bulan kalendar itu.";

(b) dalam subseksyen (3), dengan memasukkan selepas perkataan "Mana-mana cukai" perkataan "perkhidmatan"; dan

- (c) dengan memasukkan selepas subseksyen (3) subseksyen yang berikut:

"(4) Walau apa pun subseksyen (1), (2) atau (3), cukai perkhidmatan yang perlu diperakaunkan dalam mana-mana penyata yang dibuat di bawah subseksyen 12(1A) hendaklah genap masanya dan kena dibayar pada hari penyata itu dikehendaki supaya diserahkan kepada pegawai yang berpatutan."

Pindaan seksyen 15

16. Seksyen 15 Akta ibu dipinda—

- (a) dalam subseksyen (1), dengan memasukkan selepas perkataan "penalti" perkataan "atau surcaj";
- (b) dalam subseksyen (2), dengan menggantikan perkataan "dan penalti" di mana-mana jua terdapat dengan perkataan ", penalti atau surcaj"; dan
- (c) dengan memasukkan selepas subseksyen (2) subseksyen yang berikut:

Akta 254. "(3) Apa-apa penalti atau surcaj yang dikenakan di bawah Akta ini hendaklah, bagi maksud Akta ini dan Akta Had Masa 1953, boleh didapatkan seolah-olah penalti atau surcaj itu ialah cukai perkhidmatan yang genap masanya dan kena dibayar di bawah Akta ini dan dengan yang demikian seksyen 6(4) Akta Had Masa 1953 tidaklah terpakai bagi penalti atau surcaj itu.

(4) Jika suatu inouis menunjukkan bahawa penyediaan perkhidmatan yang kena dibayar cukai telah berlaku dengan cukai perkhidmatan dikenakan atasnya, maka hendaklah boleh didapatkan daripada orang yang kena membayar cukai yang telah mengeluarkan inouis itu suatu amaun yang sama banyaknya dengan—

- (a) yang ditunjukkan dalam inouis itu sebagai cukai perkhidmatan; atau

Pindaan seksyen 17

18. Seksyen 17 Akta ibu dipinda—

- (a) dengan menggantikan perkataan "atau penalti adalah" dengan perkataan ", penalti atau surcaj adalah";
- (b) dengan menggantikan perkataan "membayar cukai perkhidmatan atau penalti" dengan perkataan "membayar cukai perkhidmatan, penalti atau surcaj"; dan
- (c) dengan menggantikan perkataan "bagi cukai perkhidmatan atau penalti" dengan perkataan "bagi cukai perkhidmatan, penalti atau surcaj".

Pindaan seksyen 18

19. Seksyen 18 Akta ibu dipinda dengan memotong perkataan "atau penalti" di mana-mana jua terdapat.

Seksyen baru 18A

20. Akta ibu dipinda dengan memasukkan selepas seksyen 18 seksyen yang berikut;

“Mendapat- 18A. (1) Jika Ketua Pengarah mempunyai sebab untuk
berkumpul- mempercayai bahawa mana-mana orang hendak atau
daripada berkemungkinan meninggalkan Malaysia tanpa
orang membayar—

daripada
orang
meningga
kan
Malaysia.

- (a) apa-apa cukai perkhidmatan yang kena dibayar olehnya;
- (b) apa-apa penalti yang kena dibayar olehnya di bawah seksyen 16;
- (c) apa-apa surcaj yang kena dibayar olehnya di bawah subseksyen 20(3); atau
- (d) apa-apa wang lain yang boleh didapatkan daripadanya di bawah Akta ini,

dia boleh mengeluarkan kepada mana-mana Pengarah Imigresen suatu perakuan yang mengandungi butir-butir

mengenai cukai perkhidmatan, penalti, surcaj atau wang lain yang kena dibayar sedemikian dengan suatu permintaan supaya orang itu dihalang daripada meninggalkan Malaysia melainkan jika dan sehingga dia membayar cukai perkhidmatan, penalti, surcaj atau wang lain yang kena dibayar sedemikian, atau memberikan cagaran yang memuaskan hati Ketua Pengarah bagi pembayarannya.

(2) Tertakluk kepada apa-apa perintah yang dikeluarkan atau dibuat di bawah mana-mana undang-undang bertulis yang sedang berkuat kuasa berhubung dengan buang negeri atau imigresen, mana-mana Pengarah Imigresen yang menerima suatu permintaan di bawah subseksyen (1) berkenaan dengan seseorang hendaklah menjalankan segala langkah yang boleh termasuk pengambilan dan penyimpanan apa-apa perakuan pengenalan, pasport, permit keluar atau dokumen perjalanan lain yang berhubungan dengan orang itu sebagaimana yang perlu untuk melaksanakan permintaan itu.

(3) Ketua Pengarah hendaklah menyebabkan notis mengenai pengeluaran sesuatu perakuan di bawah subseksyen (1) disampaikan ke diri atau melalui pos berdaftar kepada orang yang kepadanya perakuan itu berkaitan:

Dengan syarat bahawa ketidakterimaan notis itu oleh orang itu tidak boleh mentaksahkan apa-apa yang dibuat di bawah seksyen ini.

(4) Jika orang yang berkenaan dengannya suatu perakuan telah dikeluarkan di bawah subseksyen (1) mengemukakan pada atau selepas tarikh perakuan itu suatu pernyataan bertulis yang ditandatangani oleh Ketua Pengarah yang menyatakan bahawa semua cukai perkhidmatan, penalti, surcaj atau wang lain yang dinyatakan dalam perakuan itu telah dibayar, atau bahawa cagaran telah diberikan bagi pembayarannya, pernyataan itu hendaklah menjadi kuasa yang cukup bagi membenarkan orang itu meninggalkan Malaysia.

(5) Tiada apa-apa presiding undang-undang boleh dimulakan atau disenggarakan terhadap Kerajaan, sesuatu Kerajaan Negeri atau mana-mana pegawai awam lain berkenaan dengan apa-apa jua yang dibuat dengan sah di bawah seksyen ini.

(6) Dalam seksyen ini, "Pengarah Imigresen" ertinya mana-mana Pengarah Imigresen yang dilantik di bawah *Aba 155*. subseksyen 3(1A) Akta Imigresen 1959-1963."

Pindaan seksyen 19

21. Seksyen 19 Akta ibu dipinda—

(a) dalam nota birai, dengan memasukkan selepas perkataan "perkhidmatan" perkataan ", dll.,"; dan

(b) dalam subseksyen (1)—

(i) dengan menggantikan perkataan "sesuatu jumlah wang" dengan perkataan "apa-apa jumlah wang"; dan

(ii) dengan menggantikan perkataan "atau penalti" dengan perkataan ", penalti atau surcaj".

Penggantian seksyen 20

22. Akta ibu dipinda dengan menggantikan seksyen 20 dengan seksyen yang berikut:

*Pembayaran 20. (1) **Jika—**

cukai
perkhid-
matan.
dll., yang
terkurang
dibayar
atau yang
tersilap
dipulangkan
balik dan
pembayaran
secara
ansuran

(a) keseluruhan atau mana-mana bahagian daripada mana-mana cukai perkhidmatan, penalti atau wang lain yang kena dibayar di bawah Akta ini belum dibayar; atau

(b) keseluruhan atau mana-mana bahagian daripada mana-mana cukai perkhidmatan, penalti atau wang lain setelah dibayar telah tersilap dipulangkan balik,

maka, dengan syarat bahawa suatu tuntutan dibuat dalam masa tiga tahun dari tarikh cukai perkhidmatan, penalti

atau wang lain itu kena dibayar, atau cukai perkhidmatan, penalti atau wang lain yang terkurang dibayar itu telah dibayar, atau bayaran balik itu telah dibuat, mengikut mana-mana yang berkenaan, orang—

(aa) yang bertanggung membayar—

(i) cukai perkhidmatan, penalti atau wang lain itu; atau

(ii) cukai perkhidmatan, penalti atau wang lain yang terkurang dibayar itu; atau

(bb) yang kepadanya pulangan balik itu telah tersilap dibuat,

hendaklah membayar cukai perkhidmatan, penalti atau wang lain, atau cukai perkhidmatan, penalti atau wang lain yang terkurang dibayar, atau membayar balik pulangan balik yang telah tersilap dibayar kepadanya itu, mengikut mana-mana yang berkenaan.

(2) Ketua Pengarah boleh membenarkan cukai perkhidmatan atau penalti yang disebut di dalam subseksyen (1) dibayar secara ansuran, dalam hal keadaan yang ditetapkan melalui peraturan-peraturan, dalam amaun dan pada tarikh yang boleh ditentukan olehnya; dan jika amaun cukai perkhidmatan itu dibenarkan dibayar secara ansuran di bawah subseksyen ini, perenggan 16(b) tidaklah terpakai bagi amaun itu mulai dari tarikh Ketua Pengarah membenarkan pembayaran dengan ansuran itu.

(3) Jika berlaku kemungkiran dalam pembayaran mana-mana satu ansuran di bawah subseksyen (2) pada tarikh genap masanya untuk bayaran baki amaun yang kena dibayar, maka semua amaun yang tertunggak hendaklah menjadi genap masanya dan kena dibayar pada tarikh itu dan hendaklah, tanpa apa-apa notis selanjutnya disampaikan kepada orang yang bertanggung membayar amaun yang kena dibayar itu, dikenakan surcaj yang bersamaan dengan sepuluh peratus daripada baki itu dan surcaj itu hendaklah didapatkan seolah-olah surcaj itu genap masa dan kena dibayar di bawah Akta ini."

atau wang lain itu kena dibayar, atau cukai perkhidmatan, penalti atau wang lain yang terkurang dibayar itu telah dibayar, atau bayaran balik itu telah dibuat, mengikut mana-mana yang berkenaan, orang—

(aa) yang bertanggung membayar—

(i) cukai perkhidmatan, penalti atau wang lain itu; atau

(ii) cukai perkhidmatan, penalti atau wang lain yang terkurang dibayar itu; atau

(bb) yang kepadanya pulangan balik itu telah tersilap dibuat,

hendaklah membayar cukai perkhidmatan, penalti atau wang lain, atau cukai perkhidmatan, penalti atau wang lain yang terkurang dibayar, atau membayar balik pulangan balik yang telah tersilap dibayar kepadanya itu, mengikut mana-mana yang berkenaan.

(2) Ketua Pengarah boleh membenarkan cukai perkhidmatan atau penalti yang disebut di dalam subseksyen (1) dibayar secara ansuran, dalam hal keadaan yang ditetapkan melalui peraturan-peraturan, dalam amaun dan pada tarikh yang boleh ditentukan olehnya; dan jika amaun cukai perkhidmatan itu dibenarkan dibayar secara ansuran di bawah subseksyen ini, perenggan 16(b) tidaklah terpakai bagi amaun itu mulai dari tarikh Ketua Pengarah membenarkan pembayaran dengan ansuran itu.

(3) Jika berlaku kemungkiran dalam pembayaran mana-mana satu ansuran di bawah subseksyen (2) pada tarikh genap masanya untuk bayaran baki amaun yang kena dibayar, maka semua amaun yang tertunggak hendaklah menjadi genap masanya dan kena dibayar pada tarikh itu dan hendaklah, tanpa apa-apa notis selanjutnya disampaikan kepada orang yang bertanggung membayar amaun yang kena dibayar itu, dikenakan surcaj yang bersamaan dengan sepuluh peratus daripada baki itu dan surcaj itu hendaklah didapatkan seolah-olah surcaj itu genap masa dan kena dibayar di bawah Akta ini."

Penggantian seksyen 21

23. Akta ibu dipinda dengan menggantikan seksyen 21 dengan seksyen yang berikut:

“Pemulangan cukai perkhidmatan atau penalti yang terlebih dibayar atau tersilap bayar. 21. Adalah sah bagi Ketua Pengarah, jika dibuktikan sehingga dia berpuas hati bahawa apa-apa cukai perkhidmatan atau penalti telah terlebih dibayar atau tersilap dibayar di bawah Akta ini, untuk memerintahkan pemulangan balik cukai perkhidmatan atau penalti yang terlebih dibayar atau tersilap dibayar tertakluk kepada apa-apa had yang ditetapkan melalui peraturan-peraturan:

Dengan syarat bahawa—

- (a) tiada pemulangan balik sedemikian boleh dibenarkan melainkan jika suatu tuntutan berkenaan dengannya dibuat dalam borang yang ditetapkan dalam masa satu tahun selepas bayaran terlebih atau bayaran tersilap itu dibuat; dan
- (b) Ketua Pengarah boleh mengurangkan atau sama sekali tidak membenarkan apa-apa pemulangan balik yang kena dibayar di bawah seksyen ini setakat yang pemulangan balik itu akan dengan tidak adil mengayakan pihak yang menuntut itu.”.

Seksyen baru 21A

24. Akta ibu dipinda dengan memasukkan selepas seksyen 21 seksyen yang berikut:

“Pemotongan daripada penyata cukai perkhidmatan yang dipulangkan balik. 21A. (1) Ketua Pengarah boleh meluluskan, tertakluk kepada apa-apa syarat yang difikirkannya patut dikenakan, sesuatu permohonan oleh mana-mana orang yang kena membayar cukai untuk memotong dari semasa ke semasa daripada penyata cukainya yang disebut dalam subseksyen 12(1) amaun cukai perkhidmatan yang telah dibayar tetapi kemudiannya dipulangkan balik kepada pelanggannya oleh sebab—

- (a) pembatalan perkhidmatan yang kena dibayar cukai;

- (b) penamatan perkhidmatan yang kena dibayar cukai; atau
- (c) apa-apa sebab lain yang diluluskan oleh Ketua Pengarah.

(2) Orang yang kena membayar cukai itu hendaklah membuat pemotongan yang disebut dalam subseksyen (1) dalam masa satu tahun selepas pembayaran dibuat, atau dalam apa-apa tempoh lanjutan sebagaimana yang diluluskan oleh Ketua Pengarah."

Pindaan seksyen 24

25. Seksyen 24 Akta ibu dipinda—

(a) dalam subseksyen (1)—

- (i) dengan menggantikan perkataan "kebebasan sepenuhnya memasuki semua bangunan, tempat dan mendapatkan buku-buku, dokumen-dokumen dan kertas-kertas lain" dengan perkataan "akses yang penuh dan bebas kepada semua bangunan, tempat, buku, data, dokumen dan rekod lain"; dan
- (ii) dengan menggantikan perkataan "buku-buku, dokumen-dokumen atau kertas-kertas" dengan perkataan "mana-mana buku, data, dokumen atau rekod lain";

(b) dalam subseksyen (2)—

- (i) dengan menggantikan perkataan "buku, dokumen atau kertas" di mana-mana jua terdapat dengan perkataan "buku, data, dokumen atau rekod lain"; dan
- (ii) dalam perenggan (c), dengan menggantikan perkataan "cukai perkhidmatan" dengan perkataan "cukai perkhidmatan, penalti, surcaj"; dan

(c) dengan memasukkan selepas subseksyen (2) subseksyen yang berikut:

"(3) Berkaitan dengan penjalanan kuasa di bawah subseksyen (1) dan (2), mana-mana pegawai yang berpatutan hendaklah diberi akses kepada apa-apa maklumat berekod atau data berkomputer, sama ada disimpan dalam komputer atau selainnya, dan—

(a) boleh memeriksa dan meneliti pengendalian mana-mana komputer dan apa-apa perkakas atau bahan yang berkaitan yang digunakan atau telah digunakan berkaitan dengan maklumat atau data itu; dan

(b) boleh menghendaki—

(i) orang yang menggunakan atau telah menggunakan komputer itu atau orang yang bagi pihaknya komputer itu digunakan atau telah digunakan sedemikian; atau

(ii) mana-mana orang yang menjaga, atau selainnya terlibat dalam, pengendalian komputer, perkakas atau bahan itu,

supaya memberinya bantuan yang munasabah sebagaimana yang dikehendaki olehnya bagi maksud subseksyen ini.

(4) Bagi maksud subseksyen (3), "akses" termasuklah diberi kata laluan, kod penyulitan, kod penyahsulitan, perisian atau perkakasan yang perlu dan apa-apa cara lain yang diperlukan untuk membolehkan maklumat berekod atau data berkomputer itu difahami."

Pindaan seksyen 29

26. Seksyen 29 Akta ibu dipinda—

(a) dalam perenggan (a)—

(i) dengan memasukkan selepas perkataan "7," perkataan "7A,"; dan

(ii) dengan memasukkan selepas perkataan "10," perkataan "10A,";

- (b) dalam perenggan (b), dengan memasukkan selepas perkataan "seksyen 8" perkataan "atau 8A"; dan
- (c) dengan memasukkan selepas perenggan (e) perenggan yang berikut:

"(ea) melanggar subseksyen 47A(2);".

Pindaan seksyen 31

27. Subseksyen 31(1) Akta ibu dipinda dengan memotong perkataan "atau barang yang dijual atau dibekalkan".

Pindaan seksyen 32

28. Seksyen 32 Akta ibu dipinda—

- (a) dalam teks bahasa kebangsaan, dengan menggantikan perkataan "mengelak" dan "mengelakkan" di mana-mana jua terdapat dengan perkataan "lari";
- (b) dalam subseksyen (1)—
 - (i) dalam perenggan (b), dengan memasukkan selepas perkataan "penyata" perkataan ", tuntutan atau permohonan";
 - (ii) dalam perenggan (e), dengan menggantikan perkataan "perbuatan atau alat" dengan perkataan "helah atau rekaan"; dan
 - (iii) dengan menggantikan perkataan "sepuluh" dengan perkataan "lima puluh";
- (c) dalam subseksyen (2), dengan menggantikan perkataan "sesuatu penyata" dengan perkataan "mana-mana penyata, tuntutan atau permohonan"; dan
- (d) dengan memasukkan selepas subseksyen (2) subseksyen yang berikut:

"(3) Sesuatu sebutan dalam seksyen ini tentang seseorang yang menggunakan apa-apa tipuan, helah atau rekaan, atau membenarkan penggunaan apa-apa tipuan, helah atau rekaan, untuk lari cukai perkhidmatan

termasuk sebutan tentang seseorang yang, tanpa kebenaran Ketua Pengarah—

- (a) memusnahkan, merosakkan, memadamkan atau dengan cara lain memanipulasikan data yang disimpan dalam, atau yang digunakan berkaitan dengan, suatu komputer;
- (b) memasukkan ke dalam atau merakamkan atau menyimpan dalam suatu komputer, dengan apa-apa cara, data bagi maksud—
 - (i) memusnahkan, merosakkan, memadamkan atau mengubah data lain yang disimpan dalam komputer itu; atau
 - (ii) mengganggu dengan, menyampuk atau menghalang penggunaan sah komputer itu, atau data yang disimpan dalam komputer itu; atau
- (c) dengan cara lain menggunakan komputer,

yang tujuan atau akibatnya ialah untuk lari cukai perkhidmatan.

(4) Bagi maksud subseksyen (3), "data" termasuklah apa-apa program komputer atau sebahagian daripada suatu program komputer yang merupakan suatu program yang diluluskan oleh Ketua Pengarah untuk digunakan di bawah seksyen 10, 10A, 11, atau mana-mana peraturan."

Pindaan seksyen 39

29. Seksyen 39 Akta ibu dipinda dengan menggantikan perkataan "satu" dengan perkataan "lima".

Seksyen baru 40A

30. Bahagian VIII Akta ibu dipinda dengan memasukkan selepas seksyen 40 seksyen yang berikut: